

Van den neghen besten (korte versie)

editie N. de Pauw

bron

Van den neghen besten (korte versie). In: Instituut voor Nederlandse Lexicologie (samenstelling en redactie), *Cd-rom Middelnederlands*. Sdu Uitgevers/Standaard Uitgeverij, Den Haag/Antwerpen 1998.

Zie voor verantwoording: http://www.dbnl.org/tekst/_neg002npau01_01/colofon.php

© 2012 dbnl



[Van den neghen besten (korte versie)]

Hector, Priamus zoen van Troyen,
 Dede den Grieken menige vernoyen;
 Negentien coningen hij versloech
 Int tlant dair sijn vader crone droech.

- 5 Hij was die stoutste in sijnre tijt
 Die men wist in die werelt wijt.
 Van Acilles wort hij vermoert
 XI^c ende XXX jair voir Goids geboirt.

- A**lexander, Philips zoen van Macidone,
 10 Over al Grieken soe droech hij crone;
 Dairtoe Chaldeen, Persen ende Meden
 Hielt hij in sijnre mogentheden.
 Bij der wiser filosofhen rade,
 Hij was milde ende vroem van dade.
 15 Hij starff CCC ende IX jair
 Voir Gods geboirt, dat is wair.

- Julius was capiteyn van Romen der stede;
 Uut sijnre moeder wart hij gesnede,
 Dairom soe wart hij Cecer genant.
- 20 Hij dwanc mit sijnre mogender hant
 Dat meeste deel van der werelt wijt
 Des was hij die eerste, des seker sijt,
 Die te Romen wart keyser gecoren
 XLII jair eer Christus wart geboren.
- 25 Coninc David was die zoen Yesse;
 Van sijnen geslechte, des sijt gewesse
 Wart die overste coninc geboren.
 Hij wart van Gode coninc gecoren
 Als Saul ten Philisten wart verslegen.
- 30 Hij verwan Golyam, den stercke degen;
 Syon stichte hij, ende starff dairnaie
 Voir Troyen C. en de XLII jair.

- Josue, die goede, hoirt na my,
 Int tlant van belofte regnierde hij;
- 35 Hertoge der geslechte van Ysrahel,
 Na Moyses doot, verstaet dat wel.
 Amorren, Moanere, Philiste hij verwan
 Ende den coninc Og van Basan,
 Dairtoe menige heidensce scair.
- 40 Hij stierf voir Troyen CCC jair.

- Judas, Machabeus was hij genant;
 Sijn mogenticheit was wide becant
 Van Jherusalem den tempel Ons Heeren
 Hielt hij mit cleinen volcke in eeren
- 45 Jegen die van Persen ende [van] Caldeen.
 God sende hem selve, alst wel sceen,
 Een gulden swaert, ende starff dairnaie
 Voir Christus CXLIII jair.

Aeurtueur, van aventueren genant,
 50 Cininc van Britangen wael bekant,
 Sijn rijke hoff dat hij regierde
 Dair men in stac ende toyrnierde.
 Hij was milde ende vroem ter hant
 Als hij Onser Vrouwen bannier ontwant.
 55 Hij starff, men wist niet wair,
 Nae Christus V^c ende XL jair.

Kaerl die groot, Keyser van Almangen.
 Coninc van Vrancrijck ende van Spangen,
 Die Sassen hij driewarff mitte swaerde
 60 Weder ter gerechte lone keerde.
 Jherusalem, die heilige stede,
 Bicant al Occidente mede
 Wan hij ende starff in groter eeren
 VII^c XIII int jair Ons Heeren.

65 **G**odevaert van Bulgoen, van Lotrijc,
 Hertoch, die oick diergelijck
 Wan dat heilige graff Ons Heeren,
 Ende so sijns vaders erve in eeren
 Soe rechte vroemelic verteerde,
 70 Ter eeren Gods hilt mitten swaerde.
 Int jair ons Heeren starff hij dair
 XI^c ende LII jair.